

CIMELIA

Qu

4516

Long 1309



4516
CIMELIA

X. XII. 47c.

Author Symonowicz Sym.

I.d.25.

25.

Sup. m. m. 7. 10. Boor. 1309.

FLAGELLVM LIVORIS:

*Continens omnia ferè Metrorum genera,
quibus usus est Horatius.*



Nihil, Deo volente, liuor officit:
Nihil, Deo nolente, proficit labor.



*LIBRARY OF THE
JAGELLONICA
Cim. Qu. 4516*

CRACOVIAE,
Ex Officina Lazari. Anno Domini:
M. D. LXXXVIIJ.

I N S T E M M A

Ielitarum siue Sariadarum.

MONOMACHIA GRATIARVM,
ET EVMENIDVM.

HASTARUM fascem, proauorum Stemma tuorum,
Virginæ CHARITES diripuere manu.
Telo quæque suo aduersam confecit Erinnyem,
Et Stygiam rapta cuspide fixit, anum.
Inprimis Aglaia, caput confodit Aleëtus,
Hastaque funesto sanguine tincta fuit.
Tisiphones pectus, viuis natricibus hirtum,
Transadigit gracili, pulcra Thalia, manu.
Confecit Euphrosyne lethali cæde Megæram,
Traiecit mediam fraxinus Eumenidem.
Dumque videt LIVOR morituræ vulnera matris,
Orphanus infelix, matre cadente, crepat :
Victricesque Deæ, Furiarum Strage peracta,
Hastas in fascem composuere, suum.

PTHONOMASTIX ad Zoilum.

Quòd si flagellum nō times, ô Zoile,
Ne verberare Scorpionibus, vide.

FLA-

FLAGELLVM LIVORIS.

Continens Odas vnā de viginti:

*Ad Illustrem & Magnificum
Mecænatem.*

ARGVMENTVM.

Omnia suis pestibus esse obnoxia:
Inprimis verò, VIRTVTEM Inuidiæ.

ODE PRIMA.

Omnia Mecænas proprio exercentur ab hoste:
Namque Deos hominesq; remordet.
Aduersus genius, sua stant incommoda brutis:
Et plantis, grauiusq; metallis.
Ecce Deos armis infestauere Gigantes,
Sacrilego Mauorte seueri.
Inuidere Ioui sceptrum, paterasq; beatas
Concilio mensisque Deorum.
Sidera sideribus contraria numina quosdam,
Dextra inuant, vexantia plures.

A ij

Iam

Iam prosunt elementa, eademq; animalibus obsunt:
Constituunt, & corpora solvunt.
Ignibus en sylvæ pereunt v'redine messes:
Et pratis inimica locusta est.
Quæque suis tineis obnoxia, cernis ut hortum:
Erucae populantur agrestes.
Frondis opes adedit bruchus nemorisque coronam,
Et vernos accidit honores.
Curculio Cererem lædit, conuoluolus vuam,
Et fucus flauentia mella.
Thesauros rubigo comest, ærugo metalla:
Dispereunt putredine ligna.
Insidias tendit stabulis truculenta ferarum
Esuries, tristisq; vorago.
At homini lupus est homo, nullaque bellua plures
Mortales, cognataque læsit.
Corpora, quam rabies hominumque insania lædit,
Mutua qui sibi retia tendunt,
Inq; vicem se se miseranda cæde cruentant
Sanguinis, heu, tam prodiga pubes.
Et velut in sua coniurati funera ciues,
Præcipites rapiuntur in arma.
Nonne vides homines pasci discrimine fratrum, &
Vicinis successibus vri?

Sau-

*Sauciat occulto præcordia vulnere Liuor ,
Et fibras exulcerat imas.
Fortunam sequitur comes, ut sine nube micantem,
Vmbra sequi solet æmula solem.
Sed cedò, quid meruit tandem immeritissima VIRTUS?
Cur gemit huic obnoxia vermi?
Scilicet hoc scelus Heroumq; Deûmq; nouerca,
Immisit sæuissima Iuno.
Elenet ut laudes operosaque facta bonorum,
Rumores mentitur inanes.
Sub Iunone fera Liuoris militat ala,
Imperiis Iunonis obaudit.
Æolon instigat Iuno, dum præcipit Euris
Æneæ subuertere classem.
Liuioris matri iubet imperiosa Megæra,
Ut Rutulos accendat in arma.
Matribus hæc quoque Troianis incendia suasit,
Subiiciant ut nauibus ignem.
Herculeis etiam immisit Saturnia cunis,
Ceruleos; duo monstra, colubros.
Læsit semideos & pectora debita cælo,
Obuciens certaminis ansas.
Hæc quoque Mecænas voluit tua facta morari,
Liuioremq; molesta subornat.*

*Hic in sincero tua lancinat acta cauillo,
Cuncta notans aspergine nigra.
Sed velut è solido conflatis ære columna,
Non cedit tua viuida VIRTUS.
Succubuit Liur, cuius certissima clades.
Hoc nostro descripta libello est.*

De liuris ortu.

O D E II.

*L*iuoris ortus manat ab inferis,
Authore iactat se Cacodæmone.
Impleta Cocyto Megæra,
Quem parit atra, satu maligno.
Lauro solutus membra Cupidine
Cocytus ardet, deperit impiam
Stupratque Dinarum Sororem, &
Suscipit exitiale monstrum.
Quod gestat aluo sæua puerpera,
Motu senili donec in æthere
Compleuerat Saturnus annum,
Atque suum peragrauit orbem.
Facunda demùm parturit Eumenis,
Quæ mille tetræ acta doloribus,

Aptum

*Aptum sibi quærit cubile,
Tartareis ululans in antris.
Tandem recessu fluminis ultimo,
Lætata ripis Tartaræ Stygos,
Curuisque Mæandris Auerni,
Qui nouies Acheronta cingunt.
Selegit umbras & loca partui,
Tam pœnitendo prorsus idonea,
Æterna quæ caligo texit,
Cimmeriæq; premunt tenebræ.
Hic semper auras noctua ventilat:
Hic ominosus nycticorax volat:
Hic murium cœtus volucris,
Obstrepat in tenebris vaganti.
Hic multa surgit taxus in æthera,
Buxusque pallens, pinus & ardua,
Surguntque funestæ cupressi, &
Flumen amantia populeta.
His ergò partum sedibus edidit
Proiecta densas inter arundines,
Liuoris atrî dira mater,
In Stygiâq; reponit vlua.
Dum triste vagit progenies fera,
Stridore totos concutit inferos.*

Accur-

*Accurrit Orci fœda labes,
Monstriferique caterua Ditis.
Matertiarum Tisiphone prior,
Charo nepoti præbuit ubera:
Feriale suxit lac alumnus,
Nequitiaëque bibit medullam.
Post hæc Alecto senior aduolat,
Et gratulatur læta puerperæ;
Quassat caput sænum colubris,
Crimibus anguiferis timenda.
Contagiosis horrida basis,
Dissuauiat labra trementia,
Ducit venenum tristis infans,
Imbuit ossa trucesque venas.
Cunas ad illas & Nemesis venit,
Vnà Querelæ & Vociferatio,
Huc Ira passu concitato,
Atque silens Odium volauit.
Fatale munus tristeque Pægnium,
VIRTUS Olympo misit ab igneo,
Ut sopiat voces nefandas,
Et pueri fremitus malignos.
Limam trecentis ictibus asperam,
Ut Liuor illam manderet improbus.*

Vt di-

*Vt discat exercere morsus
Indomita domitricæ ferri.
Sed dente rodit dum chalybem truci,
Se lædit ipsum ridiculus puer.
Nam bolus inconsumptus, atros
Atterit & violat molares.
Sic fertur infans ille adolescere,
Caliginosis editus in locis.
Velocibus pennis in auras
Hinc solet euolare monstrum.*

Liuris descriptio.

O D E III.

N Osse cupis faciem Liuris, & ora mordicantis.
Apellis vdo picta penicillo?
En, quod poscis habes, monstrum Furiale conspicator,
Et cominus vide nefas nefandum.
Quod velut in scenam producitur, & sacrũ triumphũ,
Spectaculo læue Patrone quæso.
Adspice prodigium, suetum tua facta criminari,
Et gloriæ tuæ quod imminebat.
En caput horrendum, de quo coma viperina pendet,
Cui mobiles uniusque sunt capilli.

B

Et quos

*Et quos non agitat Borëas minaxque Apeliotes,
Sed viperus mouet suum venenum.
Peruigiles oculi nimiumque volubiles vagantur:
Obtutus inquietus & cruentus.
Ambiguo radio, partem simul intuens utranque, &
Albugine obliqua, nimisque pæta.
Buxea labra tremunt, rubigine nigricant vetusta,
Cum dentibus primoribus canini.
Gutturæ vox rauco teterrima, vox inauspicata
Dum prodit, ingens obstupescit orbis.
Hæc vox rumores & nuntia seminat sinistra,
Adulteratque gloriam bonorum.
Vulturis est rostrum nasus vigilantior sagaci,
Odore cladis pascitur dolendæ.
Et macie vultus consumitur inuidæque malæ,
Vix ossibus strigosa pellis hæret.
Cordis enim virtus eroditur intimaque fibræ,
Quas exedunt striges feræque larvæ.
Emula mens & lingua procax, manus otiosa torpet,
Dum nil facit, præclara facta culpat.
Ambisinister enim Ceromata Liuor atque arenam
Detrectat, inuidet tamen labori.
Vitat curriculum & certamina, pulueremque festum,
Bonis tamen data vritur corona.*

Inse-

*Infestis queritur stridoribus, ungue, dente, voce
Bacchatur, alas concutit feroces
Alis Nyctæridum similes. Volucris velut Dracæna,
Si in rupium laceßitur cauernis,
Sibilat, euomit flammæ, sinibus rotata crebris,
Et ipsa vapulat suo veneno.
Morsibus horrificis dum se petit atque mordet ipsam,
Et speculo sibi nocet bisulco.
Sic quoque liuor edax, virtutis honore prouocatus,
Se morsibus castigat ipse iustis.
Extremo dorso trahitur, colubrique creuit instar:
Plicatilis ter mille cauda spiris;
Quæ longo tractu maculat spatium viamque totam,
Quacunque serpit virulenta labes.
Harpyie similis, quæ proluuie soluta ventris,
Mensas & agros inquinat volando.
Tardior est illi, sed non sine fœditate motus,
Progressibus tamen suis valescit.
Et qua progreditur, si non populatur atque vastat,
Certè locis aspergit ille labem.
Quæ tangit, fœdat: quæ transuolat, halitu perurit,
Et inficit quæ dentibus prehendit.
Ingenio nigro perimens oculoque peruicaci,
Veneficæque pupula trucidat.*

*Fascinat auditu contagia rebus affricando ,
Gustatâque ipso concoquit palato.
Profuit & nares vitare bonis viris odoris ,
Occasionésque amputare pesti.
Præcipuè si quis quouis penetrabilis periclô est ,
Nec sustinet vulgi leues susurros ,
Ille domi lateat, cælans benefacta præmiûmque ,
Contentus angulo arbitrisque paucis.
Sed cui spiritus est nullo superabilis furore ,
Suffragiis rumoribûsque maior ,
Ille foris pugnet, pleno benè firmus in theatro ,
Vadâtque Marte dimicans aperto.
Non parebit inops Liur, sed abibit, & venena
Conuertet in suum caput resorpta.
Ut iacit ex oculis mortem Basiliscus in colonos ,
Quos eminùs præuerterit videndo.
Si tamen in speculo sese videt author ipse lethi ,
Mox pupulæ perit suæ veneno.
Sic quoque Liuroris natura reciprocumque virus ,
Prius parentem sæpiusque torquet.
Belua Pompeia dignissima lege, culeo que
Cum vipera que simiâque, claudi.*

Quæ sint voluptates, & quæ tormenta, degeneris Inuidiæ.

O D E IIII.

*Liuri, Charites, quid placet impio,
Aut quæ pabula sunt inuidiæ trucid;
Blando dicite versu, &
Musæ progenies Iouis.*

*Nimirum scelus & perniciës virum
Paupertas lacero squalida pallio,
Infamisq; voluptas,
Decoëtrix patrimonij.*

*Socors ingenium, pigritia graue,
Contemnens humili pectore glorias,
Mens demissa solo quæ
Sidit reptilis infimo;*

*Imprudens animus sorsq; miserrima:
Ægroti facies lurida corporis:
Tristi membra grabato
Decumbentia iugiter:*

*Nec non mors tragico funere tabida,
Famam si maculis turpibus oblnit.*

B ij

Si post

*Si post fata parentum,
Paupertas premit orphanos.
His pinguescit iners Liur & improbus:
His illum genitrix inuida pabulis
Densa nutrit in umbra,
Dum pestem Canis educat.
Sed rursum teneræ dicite Gratia,
Quos hostes habeat Liur, & horrido
Quisnam dente petatur
Monstri degeneris precor?
Nimirum probitas atq; hominum salus,
Quæ sita q; bonis diuitiæ modis:
Frugalissima VIRTUS,
Seruatrix patrimonij.
Felix ingenium, quod petit ardua,
Excelso sitiens pectore gloriam,
Adspirans in Olympum,
Curis insuperabile.
Tum solers animus forsque opulentior,
Vires eximiae corporis ardui,
Quod pulchram vegetamque
Præsefert habitudinem,
Mortis mite genus, gloria subsequens;
Post summos cineres, posteritas bona.*

Quæ

Quæ VIRTUTE coruscat,

Fortunatior indies.

His agrescit iners Liur & improbus;

Hec illum perimunt Theſſala toxica:

Hæc diræ, bona, peſti,

Perſtringunt oculos malos.

Dent ergo ſuperi, Liur ut inuidus,

Horis excipiat vulnere ſingulis,

Morſu inflictâ perenni

Sæui dentis & unguium.

VIRTUTIQUE ſacræ ſtent ſua præmia,

Splendor, diuitiæ, veraque gloria,

Et ſtipendia, ſudor

VIRTUTIS ferat igneæ.

Rogantur Gratiæ, vt cicurent

Inuidiam, eâque reconcilient VIRTUTEM.

O D E V.

O Nexus Charitum cælicolis mitior omnibus,

Nodo virgineo quem religat cingulus vnicus;

Cur monſtrum pateris tamque nefas incircurabile,

Afflatu nocuo geſta hominum lædere fortium?

O non

*O non immemores artificî surgite virgines,
Liuorem gracili quæso manu prendite stridulum.
Mansuescat manibus fœmineis liuida belua:
Notis incipiat vocibus & plausibus obsequi.
En mitescit equus nec refugit frena & ephippia:
Poppysmo facili perdomitus dat caput aureis.
Sicingens elephas æstiferis ductus ab Indiis,
Discit militiam, fert solidas tergore copias.
Vrsus Manalium vel Scyticum quem nemo educat,
Exercet choreas non secus ut Ludio Roscius.
Vestro numine fit blandior, & Pardalis & Lea:
Assuescit manui tam placidæ vel draco lubricus.
Solutior iners omnibus est vipera viperis
Intractabilior, tam faciles nec patitur manus.
O Diana, feram soliuagam retibus implica,
Et captam lepidis trade precor Cynthia Gratiis.
At vos ô Charites, virgineas sumite fascias,
Qui vos perpetuo iure ligat: sumite cingulum,
Cervicemque iugo vipeream subdite libero,
Et rictum tenera monstrificum neccite fibula.*

*Responso Gratiarum, non posse
illarum comitate mansue fieri Liuorem,
neque retibus Dianæ capi.*

ODE

O D E VI.

*L*iuorem non est nostrum cicurare proteruum,
Nec inquinari hac labe Grutias decet.
*T*ractatur melius Libycis Basiliscus in antris;
In aridâque sæua solitudine
*D*ipsas, quæ morsu sitibundos enecat artus;
Quam Liuor ille carnifex domesticus.
Nec Diana solet turpes agitare colubros,
Assueta ludis virgo gravioribus.
Nec maculare volet puros innoxia casses,
Nec Diua persequi hanc feram dignabitur.
Nec terrere canes illam latratibus audent,
Ne præda fascinet Molossos præpetes.
Nam velut irritata, canes incantat Hyæna,
Aufertq; vocem persequenti vertago;
Sic animum Liuor vocemq; veneficus aufert,
Dum ringitur, canes fugat venaticos.
Respergit fugiens rabidis vestigia spumis,
Quas nulla contingit vel olfacit fera.
Mulcebunt igitur Charites, quod sæua Diana,
Abominata, non mouet venabulis?
Non facient certè, nec fas est stringere cæstu,
Enorme collum, & cingulo sororia.

C

Nec

*Nec sacra fœdabit tam triste monilia monstrum,
 Et fibulas, & virginales fascias.
 Non illi dabitur Charitum contingere lucos,
 Dapesq; puri simplices conuiuij.
 Nec turbabit Acidalias hæc vipera lymphas,
 Ne virus innatet pijs liquoribus,
 Spargens cæruleos in aquis liuentibus orbes,
 Eheu, veneni signa præsentissimi.
 Præterea nobis gliscunt sine fœdere lites,
 Hereditarijque iurgij calor,
 Cum Liore malo, miserisq; parentibus. Ergo
 Faceffat & Mægara, & filius ferox,
 Tisiphoneque minax, abeat lethalis Aleto,
 Contrariæq; Gratijs Erynnyes.
 Disspereatq; malus lior Cocytia proles,
 Et nemini tractabilis ferociat.
 Non mambus nostris mulcenda nigerrima labes,
 Sed igneis est exedenda vermibus.
 Quam Lumbricus edat, quã potet hirudo palustris,
 Atræ Stygos, cum flammeis natricibus.
 Nos Iouis insontes natæ, nec tristia palmis
 Portenta mulcemus pijs, nec vocibus.
 Nam si quid Furiarum vel Lioris habemus,
 Heu Gratia statim sumus non Gratia.*

Ad no.

Ad nouem Camœnas, vt musicis
 harmoniis leniant Inuidiā, vel deniq; sopiant.

O D E VII.

*F*lexanimes Diuæ, quæis vocum Gratia curæ est,
 Suauitasq; carminum Pieriumq; melos;
 Delinite fremens & inexorabile monstrum,
 Sono modisq; Musicis arteq; melliflua.
*N*unc Helicon grata vice Parnassusq; biuertex,
 Spirātis Hyblæ carminis, nectar & omne, sonet;
 Ut mitescat atrox Linor, vel membra solutus,
 Humiq; fusus dormiat voce soporifera.
*N*umine Pegasides vestro placatur Olympus,
 Placantur inferi graues, Oceanusq; furens.
*A*uritas ornōs deducere montibus Orpheus,
 Æmiq; vepres horridos Caucaeosq; rubos
 Creditur; & choreis nemus indulgere videres,
 Dum filius pulsat fides Calliopeia tuus.
*A*mphion etiam lapides in mœnia cogit,
 Petras ciet surdissimas carminis obsequio.
*Æ*quoreos pisces Cythara demulsit Arion,
 Iactura nauis perfidæ: & victima blāda maris:
 Delphinum dorsis equitat proiectus in æquor,
 Ad continentem patriæ Tænariæq; plagas.

Somnum inducit Aristoridæ Cyllenius Argo,
Pigrum sonante fistula somnificisq; modis.
Centum palpebras fallaci carmine sopit,
Custode cæso, pellicem surripit Inachida.
Threicius fidicen placat testudine Manes,
Ditisq; coniugem feri, Tartareumq; canem.
Quis tandem dubitat, vestra quoq; posse domari
Chely, minutam bestiam vermiculumq; leuem,
Liuorem Stygium, Furiarum ignobile germen,
Nigriq; tormentum ingens, quod sua cor da co-
Ne petat indigno VIRTUTEM dæte coruscã, (mest?
Sed in suis cubilibus dormiat anguis iners.
Extendat gelido sinuosum corpus in antro,
Obaudiatq; vocibus Bistonæq; lyræ.
Ne bilis tristes animos obnubilet atru,
Umbratilis malignitas ne fera corda premat,
Iam fidibus doctæ, iam voce sonate Camænæ,
Concors per auras Musice perstrepat æthereas.
Terpsichore canat arguta Cytharistria chorda,
Cælestis autor carminis intonet Urania.
Temperet Euterpe varios tibicina flatus:
Dulces Thalia fundat & Calliopea sonos.
Melpomene Clioq; cauæ testudinis ictu, &
Grato susurro perditam leniat inuidiam.,
I. mq;

*Iamq; loquax Erato & sumat Polyhymnia plectrū,
Ut ferueat concentibus Phocidos omnis ager.
Theſſia, Libethros, Parnassus & Hippocrene,
Pimplæ ſcatentes riuuli, Caſtaliuſq; latex.
Forſitan incipiet Stygius manſueſcere Liſor,
Soluēt voluptas carminis Muſaq; docta ſeram,
Auribus excipiet modulos, oculiſq; chorcas
Innoxias mirabitur, virgineumq; decus.
Quòdſi non capiet mentem dulcedo malignam,
Pergetq; dente ſtridere triſtis Echidna malo:
Vel ſi damnabit caperata fronte Camænas,
Obliqua cernens, & gemens, indomitūq; furens;
Tum ſaltem pigro iaceat reſoluta veterno,
Sopita cantu bellua Pieriſq; modis.
Fiſtula Mercurij Diuinaq; virga, colubrum &
Inſomne mulceat ſcelus, ſtrataq; membra domet.
Et quo centocolum perimit Caduciſer Argum,
Hoc dormientis aſpidis amputet enſe caput.*

**Reſponſio Muſarum: Non poſſe
edomari Liuorem Carminis dulcedine.**

O D E VIII.

*OBtruditur nobis alumnus improbus ,
 Aonioq; choro nimis molesta vipera.
 Quam nec mouent docti fides Apollinis ,
 Nec tenues calami raucumq; plorans tibia ,
 Chelys loquax, effœminata Barbitos,
 Nec lyra triste querens: nec sibilantes fistulæ.
 Rupes & arbores mouentur ad sonos,
 Ad numerosq; suos dum sequuntur asperi.
 Delphines audiunt susurros Lesbicæ
 Dulciloquos cytharæ, fluctus per altos plausi-
 Custos adulteræ iuuentæ sedulus, (tant.
 Mercurij tremula sopitus est arundine.
 Canis trifaux, acerrimus Proserpinæ,
 Diuitis excubitor, dat carmini victas manus.
 Sed liuor infelix, feris immanior ,
 Surdior Oceano, quouis rubo spinosior ,
 Inhospitali Caucaſo syluestrior ,
 Piscibus indomitis multò furit præfractior ,
 Immitior seruante Manes Cerbero.
 Anguib; omnibus est Lacerta virulentior;
 Et cæteris quo vermis est minutior,
 Dentibus horrificis eò tenaciùs premit:*

Et

*Et stridula minutiùs teredine ,
Pectora comminuit quibus ferox innascitur.
Quòdſi Camœnæ perſtrepunt vocaliùs ,
Mox quoq; liuor iners intendit acres ſibilos :
Stridet. ferocit, obſtrepit canentibus ,
Atque ſuos fremitus opponit arti Muſicæ.
Quòdſi choros exercet vlla virginum ;
Legibus Harmonicis obtemperans docto pede;
Mox Liuor æmulus, Camelo proſilit
Segnior, in tenebris ſaltus ciens inconditos:
Expandit alas, calcibus veſtigia
Inprimit unguiſeris, vt per viam repens Draco.
Sed cauda ludentem ſecuta beluam ,
Signat & inficit heu longo ſolum volumine.
Nec forma liberalis, & modèſtia
Per mouet indomitam ſurdâq; mulcet aſpidem:
Fruſtra ſales funduntur & facetiæ ,
Et placidæ Veneris feſtiuitas innoxia.
Nec fortitudo Martis, & laudum ſitis ,
Nec ſtudio Triuiæ, ſagacitaſq; ſedula,
Liuioris emollit feri præcordia ,
Nec ſuperat. miſeri crudele pectoris neſas.
Ergo Iouem ſonet Camœnarum chorus,
Atq; viros celebret dignos Apolliniſ lyra.*

Tri-

*Tristis malignis eiulet singultibus ,
Liuor, & indoleat vstus bonorum gloria:
Obliuione seculorum conditus,
Perpetua sileat sepultus in caligine.*

De Liuore Cacodæmonum.

O D E IX.

*Infelix Genius lapsus ab æthere ,
Cum turba socij complice criminis,
Sidens in specubus carceris infimi,
Flet sedes malè perditas.*

*Æterno siquidem proxima numini
Cœlorum tenuit summa palatia,
Diuinoq; throno luminis Angelus
Vicinas coluit domos:*

*Felices oculos in faciem Dei
Defixos habuit, cœlitibus pijs
Dæmon lucidior, spirituum sacris
Præfectus legionibus.*

*Sed fulgore sui luminis insolens,
Tantis intumuit cæcus honoribus ,
De se plura sibi pollicitus miser ,
Quàm par & licitum fuit.*

Maiestate

Maieſtate DEI roditur æmulus:

Affectat ſolium numinis optimi:

Molitur Sataël imperium nouum,

In ſummis Aquilonibus.

Sic cælum ſtudijs ſeditio noua

Turbat ſacrilegis, Plurima pars fauet

Autori miſeræ ſtulta coloniæ, &

Votum promouet impium.

Sed rerum genitor, fulmine perditos

Conatus dirimit, cum duce perfido:

Coniurata cohors protinus æthere,

Deturbatur ab arduo.

Conſtantes Genij lecta q; concio,

Permansere ſuis in ſtationibus:

Sub victore alacris principe militat

Felix ordo ſatellitum.

Verùm diſſidij Dux, reus ambitus

Et vulgus perijt mobile cælitum,

Turmatim ruit & fertur ad inferos,

Vt vis horrida grandinis.

Exutus radijs & redimiculo

Splendoris nitidi, cum grege Dæmonum

Suaſor perfidiæ truditur inuidus,

Ad fundos Acheronticos.

D

Vrgetur

*Progetur tenebris igneq; perpeti,
Ad palum Satanas vinctus abeneum
Diris compedibus: supplicio datur
Æterno, malus artifex.*

*Mutatq; locis & vice prospera,
Infandq; gemens in cruciatibus,
Amisæ patriæ dum reminiscitur,
Dentes dentibus atterit.*

*Succesura sacris dum regionibus,
Humani generis respicit agmina,
Stridens inuidia rumpitur, anguis ut,
Irritataq; vipera,*

*Tormenti socios atq; superbæ,
Ad cætus hominum mittit ab inferis;
Ut mentes miseras ad scelus incitent,
Nantes aëra Dæmones.*

*Illi consilijs omnia pessimis
Turbant, pectoribus crimina suggerunt:
Imbelles animas præcipites agunt
In fusca puteum Stygos.*

*Inprimis Phthonos est pessimus omnium,
Ses, excarnificans ossa medullitis,
Ut nîl inuenias durius, & nihil
Hoc tortore ferocius.*

Duo Liuoris esse genera, bonum
videlicet & malum. Cuius rei aliquot
exempla subijciuntur.

O D E X.

*Cum primum Stygio viuax emergeret Orco,
Liuor nefandus carnifex.
Heu primum fortunatos irrepsit in hortos,
Mentitus anguem lubricum.
Hic ubi par hominū fuerat, noua plasmata Diuūm,
Recens creati coniuges,
Liuor erat scelerum sator, affectator Olympi &
Diuinitatis arduæ.
Mox etiam terras infelix inquinat Hydrus,
Nouos secutus exules.
Concitat in fratrem præcordia rancida fratris,
Suasitq; parricidium.
Quicquid mundus habet scelerum, quid Olympus &
Liure constant omnia. (Orcus,
Non tamen omnis erit liur damnandus ubiq;
Cum sit bonum alterum genus.
Si quis enim peior melioribus inuidet, ut mox
Et ipse vir sit optimus;*

D ij

Inuidet

Inuidet egregiè, generoso percitus Oestro,
Suam increpans ignauiam.
Sic opifex doctis indoctior inuidet artem:
Sic diligenti segnior.
Quòd si non melior, similis tamen esse laborat,
Virtute, sorte, gloria:
Si videt uberius lætas adolescere messes,
Videtq; diues horreum.
Vicinum frugi, sequitur vicinus arator,
Quamuis iners & negligens,
Versat humum solers, effætos sterconat agros,
Maturius quam ceteri.
Æmulus orator Ciceroni, miles Achilli,
Et architectus Dædalo,
Vergilio vates, & Coopictor Apelli,
Phæboq; cantor inuidet.
Hic liuor stimulos addit virtutibus acres,
Tollitq; somnolentiam.
Est tamen & liuor nequam melioribus hostis,
Est tristis inuidencia,
Quæ malè VIRTUTI corrupta mente, precatur,
Et ipsa nîl facit boni.
Hic liuor tacite segetes exurit agrestes,
Et palmitum propagines:

Vicinum

*Vicinum pecus emulget, gracilesq; iuuenos,
Visu facit venefico:
Fascinat infantes, thalami diuortia suadet,
Rixasq; coniugum ciet:
Iurgia concordēs disseminat inter amicos,
Cadesq; patrat impias:
Et Phthisin, & varios inducit carmine morbos:
Fugat Lares domesticos,
Inducitq; malos Genios: alienat amicos,
Et hospites ab ædibus:
Pestes & maciem pecori meditatur, & herbas,
Visu facit marcescere:
Perfringit vinctes, agit in tellure cuniclôs,
Regum petens æuria:
Captat fortunas, detrectat ferre labores,
Opes in otio cupit,
Dum sibi Diuinos decerni poscit honores:
VIRTUTIS expers inclytæ est,
Hic tibi Mecænas inuidit præmia Præster,
Hic virulentus Scorpio.
Inter pestiferos occulta nitedula repes,
Lethale spirans toxicum.*

Optimum Heroem & patriæ
amantissimum, extra omnem Invidiæ
aleam euasisse.

O D E XI.

*Hos tu dante Deo fugis
Inferni fremitus & Furias graues.
Stridorem quoque cardinum, &
Portarum superas dira crepantium,
Quas ferrugine stridulas,
Plutonis taciti fecit inertia.
Liuiorem pudet æmulum,
Quod te tam fatua mente lacesijt.
Et quod spicula prompserit
In te iam pharetris omnibus omnia;
Enses cotibus asperis
Nequicquam exacuens, telaq; Martia.
Frustra factitijs scrox,
Fulgetris crepat & fulminat insolens:
Vires exerit impares,
Nummos dilapidans & patrimonia.
Orci monstriferi stupet,
Deploratq; suos Regia milites.*

Cocytus

Cocytus genitor dolet, & 200
Obtrito adspiciens robore filium.
Tu moles velut aenea,
Fulmen Tartareum respuis irritum.
Euadisque potentior
Insultu Stygio, fortis & inclytus.
Liuoris positus manes,
Extra præcipitem iugiter aleam,
Et iactum variabilem,
Teli vulnifici sortis & inuide.
Nam clades memorabilis,
Quam Liuor fugiens auspicijs tuis
Accepit, memori metu,
Torrebit miseris inuidiam modis;
Vt non audeat in bonos,
Instaurare suas perfida copias:
Sed callem tibi comparat
In cælum pietas, optima pontifex.
Inuitaq; Iouis boni
Scandens ad superos, coniuge liuida.

Rumores inuidorum sparsi,
in absentia optimi & clarissimi
Senatoris.

ODE

O D E XII.

DUM Senator optime
 Causa vocante publici negoti,
 Commoratus es foris,
 Formidolosus æmulis & asper:
 Confodisque tristium
 Cornicularum pupulas dolentes;
 Heu mihi, quid improbus
 Non ausus est disseminare Liur &
 Fabulamque fabula,
 Rumorq; rumorem trahit malignus:
 Alter eleuat decus:
 Sudore partes atterens honores
 Alter hostis acrior,
 Infausta quæq; & ominosa fingit,
 Otiosus inuidis,
 Et otiosis otiosa narrat,
 Autor in foro nouus,
 Dum concionatur leni popello,
 Fumiunda futilis,
 Edentulas anus & omne pascit
 Vulgus usque Nænijs.
 Strepitque tonsorum per officinas,

Per

Per theatra per domos:

Narrator in conuiuijs ineptus;

Et subinde ditior

Mendaciorum accessione prodit:

Criminatur improbus,

Morumq; sanctimoniam tuorum:

Ille fretus angulo,

Miranda prædicat, sinister augur:

Ille patre libero

Disertus, inuidentiâq; lippus,

Fingit æmulis tuis,

Te supplicem manus dedisse victas,

Turpiterq; Gratiam

Hostes rogasse te tuos, fidemq;.

Sed prius caput petet,

In riuulum tenuem coactus amnis;

Fortitudo quàm tua,

De viribus suis remittat unquam.

Solicitudo Deorum hominumq; ,
de optimo Senatore dimicante cum Inuidia.

O D E XIII.

E

Quibus

*Quibus imo sedet in pectore VIRTUS,
Quibus est vel tetricæ cura Minervæ,
Vocitariq; boni fortè viri iurè merentur;
Simul omnes eadem sollicitudo
Capiebat, simul omnes gemuerunt;
Tot acutis stimulis invidiæ te esse petitem.
Mala contagia Lioris & ipsos
Tetigerunt meliores & amicos:
Ita virus penetrans intima præcordia serpsit.
Tamen ingens hominum pars tibi favit:
Studuit quæ tibi rumore secundo;
Ea rursus metuebat tibi rumore sinistro.
Simul & Dij studuerunt tibi sancti,
Iouis & Mars ferus, Hermesq; disertus:
Aderat tum quoq; bländissima Suadela Dearū.
Timuerunt tibi Musæ Charitesq; &
In Olympo superum humanius agmen,
Inimica modò sola tibi Iunone nouerca.
Tamen illam Deus obiurgat amicus,
Oculorum cilijs Iupiter atrox.
Silet uxor, taciturnaq; timet mente maritum.
Igitur Dijq; virorumq; corona
Meliorum, tibi linguis animisq; hæc
Fauet, & nil bonitas invidiæ castra moratur.
Sed &*

*Sed & audax Lyrico mota furore,
Mea plaudit tibi deuota Camœna.
Quoties de Furijs ferre triūphum perhiberis.
Nimis acri queritur mæsta dolore:
Quoties vim perhibent inualuisse e-
Xitiale, caput insons nimis urgentis Auerni.*

*Expostulatio Virtutis cum
Inuidia.*

O D E XIIII.

*Lluor infausæ soboles Megæra,
O nepos atræ metuende noctis,
Nate Cocyto genitore nigro,
 Linide fili:
Quid tibi VIRTUS nocuit frementi?
Aut quid Herodès nocuere sancti?
Cur tuo fædo teritur bonorum
 Gloria dente?
En iaces anguis piger in cauerna,
Semper infames tibi quæris umbras.
Cur bonis ergò sua denegari
 Præmia velles?*

E ij

Quo

*Quo tibi fasces cupis aut honores
Iure decerni, locupletis atque
Læta suspiras sata latifundi,*

Prædia, vicos?

*Non tibi debet Deus otioso
Ista, nec lectus patriæ Senatus;
Sed licet flaua tumeas & atra*

Bile fatiscas

*Iuris æterni titulo perenni,
Semper hæc VIRTUS operosa tollit.
Illa sudauit, ferat illa veri,*

Culmen honoris.

*Quando tu ludis ferus insolensq;
Matre sub molli puer educatus,
Perticis audax equitas columnis,*

Compita lustrans;

*Illa solertem peragit iuuentam,
Sub verecundo docilis magistro:
Triuit insontes data tædiosis*

Artibus, annos.

*Quando tu Syluis ululas paternis,
Nota rimatus fruticeta ducis
Vertagum loro, solita superbus,*

Cæde ferarum;

Ille

*Ille per libros volitans & urbes,
Aureum quarit studiosa ramum;
Possit ut tristes superare Lucos
Ditis Auerni.*

*Tu domi tanquam Satyriscus exlex,
Opprimis Nymphas, Bromio calescis,
Cui voluptas est animumq; rodens,
Alea cordi;*

*Abstinet VIRTUS, cupidoq; frenat
Spiritus, Bacchi fugiens calorem;
Dum foris degit sequiturq; duri
Prælia Martis.*

*Interim dum tu latitas in antris,
Fornici addictus, patrimoniumq;
Decoquis, ludis, Lachitumq; potus
Oppida turbas;*

*Edidit VIRTUS specimen laborum,
In toga prudens, patiens in armis;
Præparant artes in utramq; partem
Nobile pectus.*

*Ergo tu mutus miserande Liur,
Semper in cœtu celebri tacebis,
Angulo tutus meliora carpes
Facta virorum.*

E iij

Con-

Concionantem reueretur omnis
Ordo *VIRTVTEM*: regit illa patres:
Concilî, fundens trutinata iusto;

Pondere verba.

Tu domi strato recubas cubili,
Mersus in plumis, Geniumq; mulces,
Exigis census inbiasq; lucris,

Pœna coloni.

Ultimo durata Aquilone virtus,
Interim sumptis oneratur armis,
Redditus & se patriæ saluti

Posthabet ipsam.

Dic mihi sodes posito furore,
Præmijs iustis uter extat horum:
Dignior: vel cui rogo debeatur

Gratia maior?

Nunquid ignauo stupidoq; civi,
In toga muto timidoq; in armis?
An bono & forti, patriæq; causa,

Plurima passo.

Nempe qui plura & meliora semper
Egit, in longos referenda fastos,
Præmijs amplis etiam sub hoste

Iudice, dignus.

Fasq;

*Fasq; si spectes apicesq; legum,
Segnis & vœcors, etiam parenti est
Imperatori benè diuidenti*

Prætereundus.

*Definas ergò, vel iners iacere,
Vel queri, quòd te melior iacentem
Iure præuertit, sua tollat ut sti-
pendia VIRTUS.*

*Legibus sacris ita comparatum est,
Ut bonus pigro tibi præferatur,
Læuus ignauis DEVS, in merentes
Præmia transfert.*

*Nihil noui accidisse Mecoænati,
cum eadem Fortuna presserit veteres
Heroas.*

ODE XV.

*Accidit an beate
Quid noui, quod te meritò non meritū laceſſat?
Non equidem putārim,
Cum ſcias priſcos eadem ſemideos tuliffe.*

Hæc

Hæc eadem protervus

*Et malus Dæmon superis intulerat benignis,
Qui modò post labores,*

*Nectar in cælo liquidum cum Ioue patre po-
Prælia multa Iuno, (tant*

*Libero patri peperit, materiam laborum.
En reparatur Hydra,*

*Herculi ærumnas referens perpetuo renatas.
En Palamedis insons*

*Æmulū VIRTVS habuit dexteritasq; Vlysses:
Rursus & ipse Vlysses,*

*Sentit Aiæcis furias & capitale virus.
Hectore sic Achilles*

*Morsus, Aeneas Rutulo roditur ipse Turno.
Et patiens Athenas*

*Sparta facundas odio prosequitur vetusto.
Arsit & urbs Elisæ*

Laude Romana, titulos imperiumq; captans.

Criminationes æmulorum, salua

VIRTUTE, in ipsos redundauisse.

O D E XVI.

Æreus

*Æ Reus ut paries, nec non adamantina turris,
Stat bene fixa solo:
Impetui minimè cedens ictumq; repellens,
Missile non metuit.
Balistæ iaculum, fundaq; volatile saxum:
Plura pericla ferens
In caput aduersum iaculatoremq; proteruum,
Dum sine mente furit;
Crimina, sic tibi liuor edax, obiecta resorpsit:
Ipseq; talis abit,
Qualem te voluit: tunica velatus & illa,
Quam tibi fortè parat:
Incolumis VIRTUS multò radiantior exit,
Quò magis ingemuit.
Furnus ut argentum probat explorator & aurum,
Splendidiusq; facit;
Sic quoq; tu splendes inter mendacia maior
Desidis inuidiæ.
Liur at infelix inhonesto saucius ictu,
Ultor & ipse sui:
Supplicium de se sumit proiectus in umbra,
Est iecur ipse suum.*

Quasnam calumnias resorpsit
Inuidia.

O D E XVII.

*N*on erubescis *Li*uor ignauissime,
Stas inuerecundus foris?
*P*otes né tot reglutiens calumnias,
Sufferre conspectum fori?
*R*edundat in caput tuum quod finxeras:
Tricæ tuæ te strangulant.
*E*n prodijt, quem tu calumniatus es:
Qui teste conscientia
Stat absolutus, & bonorum calculis,
Et omnium sententia.
*V*IRTUTIS argumenta & innocentia,
Iam diluunt fictum nefas:
*I*n teq; deprehenditur de patria
Dolosa nundinatio:
*T*raducta Maestas, & ipsis mortuis
Conuitiaris Regibus.
*N*am dignitati detrahis viuentium,
Elinguibusq; manibus.

Tu

Tu factiōne Sarmatas Diūm genus,

Tumultibusq; concutis.

Io triumphē, vicit innocentia:

Periclitantur æmuli:

Siletq; Liur cum suis rumoribus.

Io triumphē nobilis.

Quòd Liur absentem rodāt,

præsentem VIRTUTEM pertimescat.

O D E XVIII.

UT nigri lemures nocte sub horrida,

Sol dum sanctus abest æquore conditus,

Pascuntur tenebris, sæpeq; territant,

Et ludunt hominum pallida corpora.

Sol dum purpureo prodit & emicat

Auroræ thalamo, nox abit humida,

Laruarumq; choros occiduo refert

Orbi, cum nebulis ima petentibus:

Cessant insidiæ, lux fugat aurea

Nocturnas Furias, & Genios malos.

Te nox atra timet magne Diespiter,

Nec solare in bar Styx fera sustinet.

F ij

Sic

*Sic Liuor querulus, dum facies abest
VIRTUTIS, fremitus excitat improbos,
Atergoq; bonos exagitat viros,
Audax atq; catus fingere crimina:
Interdumq; minax rem vocat ad saga
Pacis, sæpè canit tempore classicum,
Dum securus abest hostis & inscius,
Vel ridet fatuam sæpè ferociam.
Sed postquam radio fulgida proximo
VIRTUS emicuit, sidus ut inclytum:
Dum plena facie prospicit ardua,
Præsenti penetrans omnia numine;
Maiestate sua territat æmulos,
Conniuent Furia, protinus occidit
Liuioris miseri tota proteruitas,
Fulgorem fugiens intolerabilem.
Ieiunasq; minas atque ferociam
Rideres alacris spleneq; libero;
Cernens inuidiæ castra fugacia,
Et murem tumidis montibus editum.*

Peroratio ad Iuuentutem, vt
contemnat Inuidiam.

O D E V L T I M A.

VOs igitur Iuuenes moneo, cessate morari
 Liuorem miserum; sed pergite ferre labores,
 AErumnasq; graues, & ne desistite cœptis.
 Sibilet ille licet, feriat stridoribus auras;
 Regia vos tutos nihilominus orbita ducat
 Culmen in ætherium, placidâ VIRTUTIS in arcem.
 Non tolerabit iners & nodosissima serpens
 Cernere vicini torrentia lumina solis.
 Donec enim consueta petent spineta colubri:
 Dumq; occultabunt horrentes aspida vepres:
 Dumq; latet sitifer specubus Melanurus in arctis;
 Semper liuor edax nota latitabit in vmbra.
 Et velut à magno confixus Apolline Python;
 Sic cadet inuictæ Liuor VIRTUTIS ab ictu.
 Atra quidem vobis caudamq; trahentia nigram
 Semper sunt, vel Pythagora monitore, cauenda,
 Non metuenda tamen; Sed tanquàm sæpè viator
 Quem fugit incedens, inuentum conficit anguem;
 Sic quoq; præclare factis torquendus, vt horrens
 Intereat Liuor, vel certè latret in vmbra.

Ad Mecœnatem.

MAGno cum Ioue Regiam Deorum.
Magnis fert humeris onustus Atlas.
Tu molem patriæ, piumq; pondus,
Mecœnas, humeris beate gestas,
Asseruasq; suo Ioui Polonos,
Regnum virgineo integrum nitore.
Ergò qui tibi non fauet patrono,
Certè nec patriæ fauet saluti.

F I N I S.





